



ქართული
კანონმდებლობა

დებუდება

ნ დიზა

საფორმი 2022-2023

GBF.GE

ს ღიბა

თავი I - ზოგადი დებულებები

მუხლი 1. ა-ლიგის ჩატარების უფლება

ა-ლიგის ჩემპიონატის (შემდგომში "ტურნირი") ჩატარების ექსკლუზიურ უფლებას ფლობს საქართველოს კალათბურთის ეროვნული ფედერაცია (შემდგომში "ს.კ.ე.ფ").

მუხლი 2. ტურნირის ჩატარების წესები

ტურნირი ტარდება „კალათბურთის ოფიციალური წესების“ და წინამდებარე დებულების შესაბამისად. ტურნირის ყველა მონაწილე ვალდებულია, გაეცნოს და შეასრულოს „კალათბურთის ოფიციალური წესების“ და წინამდებარე დებულების მოთხოვნები.

მუხლი 3. ტურნირის ორგანიზების და ჩატარების ხელმძღვანელობა

ტურნირის ორგანიზებას და ჩატარებას ხელმძღვანელობს "ს.კ.ე.ფ." საშეჯიბრო დეპარტამენტის მეშვეობით.

თავი II - ტურნირის ჩატარების მიზნები

მუხლი 4. ტურნირის ჩატარების მიზნები

- გუნდების კლასიფიკაცია;
- საქართველოს ეროვნული ჩემპიონატში (სუპერლიგაში) გადასასვლელად საუკეთესო გუნდის გამოვლენა;
- ტურნირში მონაწილე მოთამაშეების ოსტატობის დონის ამაღლება;
- საქართველოში კალათბურთის შემდგომი განვითარება.

თავი III - გუნდებისა და მოთამაშეთა დაშვება ჩემპიონატში

მუხლი 5. გუნდების დაშვების პირობები

5.1 ა-ლიგის გუნდები დაიშვებიან ტურნირზე (2021/2022 წლების სეზონის) შედეგების გათვალისწინებით, სულ 6 (ექვსი) გუნდი ასევე წინამდებარე დებულების მოთხოვნების შესრულების პირობით, საშეჯიბრო დეპარტამენტის ან/და ს.კ.ე.ფ-ს გამგეობის გადაწყვეტილებით.

5.2 ტურნირში საასპარეზოდ გუნდი ვალდებულია, შემოიტანოს სამონაწილეო თახა 8000 (რვაათასი) ლარი 2023 წლის 9 თებერვლამდე.

5.3 ტურნირის მონაწილე გუნდები ვალდებული არიან 2022/2023 წლების სეზონის განცხადი, წარმოადგინონ ელექტრონული ფორმით 2022 წლის 30 დეკემბრის 23:59 საათამდე, ხოლო საკვალიფიკაციოში მონაწილე გუნდების და ა-ლიგის 2021-2022 სეზონის მე-5 ადგილოსანი გუნდის განაცხადის ბოლო ვადაა 11 დეკემბრის 23:59 საათამდე ტურნირის განაცხადში ჩაწერილ მოთამაშეთა მაქსიმალური რაოდენობა არ უნდა აღემატებოდეს 16 (თექვსმეტი)-ს, ხოლო მოთამაშეების მინიმალური რაოდენობა არ უნდა იყოს 8 (რვაზე) ნაკლები. ასევე მოთავარი მწვრთნელი, დამხმარე მწვრთნელი არაუმეტეს 2 (ორი) პირისა და სამედიცინო პერსონალი არაუმეტეს 3 (სამი) პირისა.

5.4 გუნდს 16 (თექვსმეტი) კაციან განაცხადში შეუძლია შეიყვანოს სუპერლიგის (2022-2023 სეზონის) არა უმეტეს (გათავისუფლების ფურცლის მქონე) 2 (ორი) მოთამაშე და ასევე 1 (ერთი) მოთამაშე რომელსაც მიმდინარე სეზონში სუპერლიგის გუნდში საშუალოდ ჯამში 5 წუთზე მეტი არ უთამაშია.

5.5 გუნდს 16 (თექვსმეტი) კაციან განაცხადში შეუძლია შეიყვანოს სხვადასხვა ასაკობრივი ჩემპიონატებიდან განთავისუფლების ფურცლის მქონე არაუმეტეს 10 (ათი) მოთამაშე.

5.6 გუნდს 16 (თექვსმეტი) კაციან განაცხადში შეუძლია შეიყვანოს 18-წლამდელთა ასაკობრივი ჩემპიონატიდან არა უმეტეს (განთავისუფლების ფურცლის მქონე) 5 (ხუთი) მოთამაშე.

5.7 გუნდს 16 (თექვსმეტი) კაციან განაცხადში შეუძლია შეიყვანოს 16-წლამდელთა ასაკობრივი ჩემპიონატიდან არა უმეტეს (განთავისუფლების ფურცლის მქონე) 2 (ორი) მოთამაშე.

5.8 ტურნირში მონაწილე გუნდმა განაცხადში შესაძლებელია შეიყვანოს 2008 წელს დაბადებული მაქსიმუმ 2 (ორი) მოთამაშე და 2009 წელს დაბადებული მხოლოდ 1 (ერთი) მოთამაშე.

5.9 გუნდს 16 (თექვსმეტი) კაციან განაცხადში შეუძლია შეიყვანოს თავისივე გუნდის ან კლუბის ვერტიკალში ასაკობრივი ჩემპიონატიდან (მოქმედი) მოთამაშეები ულიმიტოდ, დამატებულ მოთამაშეებს არ ეკარგებათ ადგილი აღნიშნულ ასაკობრივ ჩემპიონატში.

შენიშვნა: ასაკობრივი ჩემპიონატების სხვა გუნდებიდან/კლუბებიდან 10-კაციანი რიმიგის ფაჩვებში დამატებულ კალათბურთელებს (მაქსიმუმ ოთხი) უფლება ექნებათ ითამაშონ თავიანთ ასაკობრივ გუნდებშიც. ამ მოთამაშეებზე განთავისუფლების ფურცლის წახმოვანება ახ იქნება საჭირო.

5.10 უცხო ქვეყნის მოქალაქეობის მქონე მოთამაშეებისთვის აუცილებელია შემდეგი ცნობების წარმოდგენა:

- პასპორტის ასლი, რომელზეც ნათლად ჩანს მფლობელის მოქალაქეობა, სრული სახელი და გვარი, დაბადების თარიღი და ადგილი, ფოტოსურათი;

- თითოეული მოთამაშისთვის შესვლებული ფიბა-ს სპეციალური ფორმა ინგლისურ ენაზე და ფიბა-ს მიერ ფინანსური მოთხოვნების უზრუნველყოფა;

- გათავისუფლების ფურცელი იმ ქვეყნის კალათბურთის ფედერაციიდან, რომლის კლუბშიც მოთამაშე ბოლოს ასპარეზობდა.

5.11 უცხო ქვეყნის მოქალაქეობის მქონე მოთამაშეების ლიცენზირებისთვის გადასახადი შეადგენს:

- მოთამაშეზე – თითოეულისთვის **1000 (ათასი) ლარი;**

5.12 უცხო ქვეყნის მოქალაქეობის მქონე მწვრთნელის ლიცენზირების გადასახადი შეადგენს თითოეულისათვის **800 (რვაასი) ლარი.**

5.13 ტურნირზე მონაწილეობასთან დაკავშირებული ყველა ფინანსური ანგარიშსწორება უნდა განხორციელდეს **ს.კ.ე.ფ-ის საბანკო ანგარიშზე.**

საქართველოს კალათბურთის ეროვნული ფედერაციის რეკვიზიტები:

საფოსტო: 0162, ქ.თბილისი, ჭავჭავაძის გამზირი 49ა.
საბანკო: GE96BG000000182449001
ბანკის კოდი: BAGAGE22;
ს/კ: 204851838
ტელეფონი: 032 23 53 84; 593 95 95 73; 599 2122 11;
ელ.ფოსტა: basket@top.ge geo.superleague@gmail.com

მუხლი 6. მოთამაშეთა და მწვრთნელთა დამატება განაცხადში

- 6.1 ტურნირზე 16(თექვსმეტი) კაციან გუნდების განაცხადში დაფიქსირებულ მოთამაშეთა გუნდიდან გუნდში გადასვლა ან/და 16 (თექვსმეტი) კაციან განაცხადში დარჩენილ თავისუფალ ადგილას ახალი მოთამაშის დამატება ტურნირის მსვლელობისას აკრძალულია (ამ მუხლში მოყვანილი გამონაკლისი შემთხვევების გარდა).
- 6.2 გუნდს ასაკობრივი ჩემპიონატებიდან მატჩის განაცხადში შეუძლია შეიყვანოს 16(თექვსმეტი) კაციან განაცხადში დარჩენილი ლიმიტის გათვალისწინებით მოთამაშეები თავისი ასაკობრივი გუნდიდან და ყოველ მომდევნო მატჩში ცვალოს ეს მოთამაშეები. კალათბურთელებს, რომლებსაც ამ პუნქტის რეგულაციების საფუძველზე გუნდი შეიყვანს განაცხადში, არ ეკრძაებათ ადგილი იმ ასაკობრივ ჩემპიონატებში, სადაც არიან წარმოდგენილი.
- 6.3 გუნდს არ აქვს უფლება საერთო განაცხადში შეიყვანოს სუპერლიგაში მოასპარეზე მწვრთნელები.
- 6.4 **საკვალიფიკაციო ეტაპის გამარჯვებულ გუნდს უფლება აქვს ა-ლიგის დანყებამდე შემადგენლობაში ჩაანაცვლოს ორი მოთამაშე და შემოიტანოს განაცხადი 2022 წლის 30 დეკემბრის 23:59 საათამდე.**
- 6.5 ა-ლიგის მონაწილე გუნდმა განაცხადში შესაძლებელია შეიყვანოს ა-ლიგის საკვალიფიკაციო ეტაპიდან ა-ლიგაში ვერგასული გუნდის 1(ერთი) ქართველი და 1(ერთი) უცხოელი მოთამაშე, რომელსაც ექნება გათავისუფლების ფურცელი.
- 6.6 **გუნდს აქვს უფლება მეორე წრის დანყებამდე შეცვალოს 1(ერთი) უცხოელი მოთამაშე (ლეგიონერი) მხოლოდ სხვა უცხოელი მოთამაშით.**
- 6.7 სტუდენტური ლიგიდან ა-ლიგაში მოთამაშის დამატების ან რაიმე სახის ტრანსფერის მსურველებმა უნდა იხელმძღვანელონ სტუდენტური ლიგის დებულებით.

მუხლი 7. გუნდის შემადგენლობა

- 7.1 გუნდს თამაშის განაცხადში შეუძლია შეიყვანოს და მატჩზე წარადგინოს გუნდის განაცხადში მითითებული 12(თორმეტი) მოთამაშე, არანაკლებ 10(ათი) მოთამაშისა. ამ პუნქტის დამრღვევს ეკისრება ჯარიმა **100 (ასი) ლარის** ოდენობით 10(ათი)-ზე ნაკლებ თითოეულ მოთამაშისთვის.
- 7.1.1 გუნდს (16 კაციანი) განაცხადში შეუძლია ჰყავდეს მაქსიმუმ 4 (ოთხი) უცხო ქვეყნის მოქალაქეობის მქონე მოთამაშე. იმ შემთხვევაში, თუ გუნდს უკვე ჰყავს 4 ლეგიონერი და 16-კაციანი განაცხადის ფარგლებში სურს ერთის ჩაანაცვლება, ს.კ.ე.ფ-ს უნდა მიმართოს წერილობით, რომელ ლეგიონერს უშვებს გუნდიდან და ამავდროულად გასცეს აღნიშნულ მოთამაშეზე გათავისუფლების ფურცელი.
- 7.1.1.2 მატჩის მსვლელობისას გუნდს მოედანზე შეიძლება ერთდროულად ჰყავდეს 3 (სამი) უცხო ქვეყნის მოქალაქეობის მქონე მოთამაშე.
- 7.1.1.3 მოთამაშე, რომელსაც ნატურალიზაციის გზით აქვს მიღებული საქართველოს ორმაგი მოქალაქეობა და არ უთამაშია საქართველოს ეროვნულ ნაკრებში ჩაითვლება ლეგიონერის (უცხო ქვეყნის მოქალაქეობის მქონე) სტატუსის მატარებლად.
- 7.1.1.4 უცხო ქვეყნის მოქალაქე, ეროვნებით ქართველი, რომელიც მინიმუმ სამი (3) სეზონი თამაშობს სუპერლიგაში, ლეგიონერის სტატუსის მატარებლად არ ჩაითვლება.
- 7.2 თითოეულ გუნდს უნდა ჰქონდეს სათამაშო ფორმის მინიმუმ ორი კომპლექტი, რომლებიც უნდა შეესაბამებოდეს კალათბურთის ეროვნული ფედერაციის მიერ მიღებულ „სათამაშო ფორმის სტანდარტის“ მოთხოვნებს. ერთი კომპლექტი – დია ფერის და მეორე კომპლექტი – მუქი ფერის. მაისურებზე დასაშვებია ნომრები 00, 0-დან 99-მდე, ხოლო გვარი ქართული შრიფტით (უცხო ენაზე – „ს.კ.ე.ფ“-თან შეთანხმების შემთხვევაში). **სათამაშო ფორმის სტანდარტი: იხილეთ დანართი #1**
- 7.3 იმ შემთხვევაში, თუკი თამაშში მონაწილეობას მიიღებს მოთამაშე ან მწვრთნელი, რომელსაც უნდა გამოეტოვებინა იგი დისკვალიფიკაციის გამო, გუნდს ეთვლება ნაგება „უფლების ჩამორთმევით“.
- 7.4 იმ შემთხვევაში, თუ მატჩის მსვლელობისას სათადარიგოთა სკამზე სხედან გუნდის წარმომადგენლები (მწვრთნელის ასისტენტები, სამედიცინო პერსონალი), რომელთაც უნდა გამოეტოვებინათ იგი დისკვალიფიკაციის გამო ან პირები, რომლებსაც არ აქვთ სათადარიგოთა სკამზე ჯდომის უფლება, გუნდი ჯარიმდება 400 (ოთხასი) ლარით.
- 7.5 თამაშის დროს, სათადარიგოთა სკამზე მყოფი მწვრთნელები, სამედიცინო პერსონალი და გუნდის სხვა წარმომადგენლები უნდა იყვნენ ოფიციალური, ან კლუბის ბრენდირებული ეკიპირებით ჩაცმულნი.

თავი IV - ბუნინის ჩაბარების სამართლებრივი ასპექტები

მუხლი 8. “საქართველოს კალათბურთის ეროვნული ფედერაციის” უფლებები

- ტურნირის მატჩებში მონაწილე გუნდებმა უნდა აღიარონ ს.კ.ე.ფ-ის შემდეგი უფლებები:
 - 8.1 ტურნირის მატჩების ტელეტრანსლაციებზე.
 - 8.2 საავტორო, მარკეტინგული და სალიცენზიო უფლებები ა-ლიგის ლოგოზე, სიმბოლიკაზე, ოფიციალურ დევიზსა და დასახელებაზე, სავაჭრო ნიშნებსა და სავაჭრო მარკებზე.
 - 8.3 ს.კ.ე.ფ-ის მიერ დამზადებულ პოლიგრაფიულ, სუვენირულ, თუ სხვა სახის პროდუქციაზე განთავსებულ რეკლამაზე.
 - 8.4 ტელე, ვიდეო და ფოტომასალის გამოყენებაზე, რომლებიც ასახავს სუპერლიგის მატჩებს, ერთიანად თუ ცალ-ცალკე, მოთამაშეთა გამოსახულების ჩათვლით.
 - 8.5 **ს.კ.ე.ფ-ის უფლებას, შეხვედრებისაშორებ, ჩართოს ა-ლიგის კლუბების მოთამაშეები, მწვრთნელები და გუნდის სხვა წარმომადგენლები მისი და მისი სპონსორების მიერ დაგეგმილ და განხორციელებულ სხვადასხვა აქტივობებში (მაგ: ვიდეო კონტენტი, საპრომოუშენო აქტივობები და ა.შ.)**
- შენიშვნა:** თუ კალათბურთის ეროვნული ფედერაციისა და ა-ლიგის კლუბების/გუნდების სპონსორი კომპანიების საქმიანობის სფერო იქნება იდენტური და გამოიწვევს ინტეგრირებას კონფლიქტს სათამაშო მოედანზე, მოედნის პეჩიმეგისა და დახბაზის სხვა ბიზნესებისას უპიჩავესობა მიენიჭება საქართველოს კალათბურთის ეროვნული ფედერაციის სპონსორი კომპანიას.

მუხლი 9. გუნდის უფლებები

ტურნირის მსვლელობისას თითოეულ გუნდს უფლება აქვს:

- 9.1 საშინაო მატჩები ჩაატაროს საკუთარ სპორტულ დარბაზში (თუ გუნდს ასეთი გააჩნია, დარბაზი აკმაყოფილებს “კალათბურთის ოფიციალურ წესებში” აღნიშნულ მოთხოვნებს და დამტკიცებულია ს.კ.ე.ფ-ს სპეციალური კომისიის მიერ).
- 9.2 აწარმოოს თამაშების სატელევიზიო ტრანსლაციები ადგილობრივ ტელეარხებზე, კლუბსა და ს.კ.ე.ფ-ს შორის საგანგებოდ გაფორმებული ხელშეკრულების საფუძველზე.
- 9.3 საშინაო მატჩებზე მოახდინოს ბილეთების რეალიზაცია.
- 9.4 დამოუკიდებლად განკარგოს სახსრები, რომლებსაც მიიღებს საშინაო მატჩების დროს საკუთარი უფლებების რეალიზაციით.
- 9.5 სათამაშო მოედნის პერიმეტრსა და სათამაშო იატაკის სარეკლამო ადგილების გამოყენების უფლებების შესახებ **იხილეთ დანართი #2 - „სათამაშო მოედნის სტანდარტი“ (დანართი #2 განახლებული რედაქციით ძალაში შევა 2023 წლის 1 თებერვლიდან)**
- 9.6 ფლობდეს ინფორმაციას ა-ლიგის სპონსორების შესახებ.

მუხლი 10. გუნდის ვალდებულებები

ტურნირის მატჩების ჩატარებისას თითოეული გუნდი ვალდებულია შეასრულოს შემდეგი პირობები:

- 10.1 ხელშეკრულებების და შეთანხმებების გაფორმებისას აცნობოს სპონსორებს მათზე გადაცემული უფლებამოსილებების მოცულობა.
- 10.2 სპონსორებთან ხელშეკრულების გაფორმებისას, აცნობოს მათ არსებულ შეზღუდვებზე.
- 10.3 უზრუნველყოს გუნდის მონაწილეობა **საქართველოს თასის გათამაშებაში**.
- 10.4 გამოუყოს “ს.კ.ე.ფ”-ის 30 ადგილი თითოეულ მატჩზე იმ სპორტულ ნაგებობაში, სადაც მიმდინარეობს ჩემპიონატის, ევროპის თასების და სხვა საკალათბურთო შეჯიბრებების მატჩები.
- 10.5 წარადგინოს “ს.კ.ე.ფ”-ში გუნდის ოფიციალურად რეგისტრირებული სიმბოლიკა.
- 10.6 წარმოადგინოს მოთამაშეებთან გაფორმებული ხელშეკრულების (კონტრაქტების) ასლები.
- 10.7 ს.კ.ე.ფ-ის შეტყობინებისთანავე უზრუნველყოს მწვრთნელთა და მოთამაშეთა აუცილებელი დასწრება ა-ლიგის მატჩისწინა და მატჩის შემდგომ პრეს-კონფერენციებზე.
- 10.8 უზრუნველყოს მწვრთნელთა და მოთამაშეთა მიერ ინტერვიუს მიცემა ა-ლიგის მატჩების ტელეტრანსლაციების მიმდინარეობისას.
- 10.9 10.7 და 10.8 პუნქტების არშესრულების შემთხვევაში – **ჯარიმა 150 (ასორმოცდაათი) ლარი**.
- 10.10 მოთამაშეს, რომელსაც მატჩისწინა მოთვლვაზე და გუნდის წარდგენაზე არ ეცმევა გუნდის სათანადო ფორმა, თამაშზე არ დაიშვება.

შენიშვნა: მედია კომუნიკაციების სტანდარტი **იხილეთ დანართი #4 - „მედია კომუნიკაციების სტანდარტი“ (დანართი #4 ამოქმედდება 2023 წლის 1 თებერვლიდან)**

თავი V - მოთხოვნები კლუბის (გუნდის) მიმართ

მუხლი 11. მოედანი და აღჭურვილობა

- 11.1 სპორტული ნაგებობები და აღჭურვილობა უნდა შეესაბამებოდეს „კალათბურთის ოფიციალურ წესებში“ აღწერილ მოთხოვნებს.
 - 11.2 ტურნირის მატჩები გაიმართება “ს.კ.ე.ფ”-ის საგანგებო კომისიის მიერ მიღებულ სპორტულ დარბაზებში. დარბაზის ტევადობა – მინიმუმ 300 (სამასი) დასაჯდომი ადგილი.
 - 11.3 ტურნირის მატჩები ჩატარდება ფირმა სპალდინგის (შპალდინგ) ბურთით მოდელით (მთავარი მსაჯის გადაწყვეტილებით).
 - 11.4 თამაშის მსვლელობისას მუსიკალური ინსტრუმენტების გამოყენება ნებადართულია მხოლოდ მსაჯთა მაგიდის და გუნდების სკამების მოპირდაპირე მხარეს მდებარე ტრიბუნაზე.
 - 11.5 საქართველოს კალათბურთის ეროვნული ფედერაცია კომპანიების – გენიუს შპორტს-ისა და შენერგყ-ის ტექნიკური მხარდაჭერით უზრუნველყოფს ყველა მატჩის ვიდეოგადაღებას და მათ ტრანსლირებას ლაივ-რეჟიმში. რეგიონებში, მასპინძელი გუნდი ვალდებულია, უზრუნველყოს აღნიშნული კომპანიის (გენიუს შპორტს) დამონტაჟებული აპარატურის უსაფრთხოება და მათი ჩართვა-გამორთვა თამაშის დღეს. იმ შემთხვევაში, თუ სხვადასხვა მიზეზის გამო ვერ ხერხდება აღნიშნული აპარატურით მატჩის გადაღება, მასპინძელმა გუნდმა უნდა უზრუნველყოს ვიდეოგადაღება, რის ხარჯებსაც დაფარავს “ს.კ.ე.ფ”. მატჩების დასრულებიდან 24 საათის განმავლობაში, სუპერლიგისა და “ა” ლიგის გუნდებს კომპანია შენერგყ-ისგან მწვრთნელებისთვის მიეწოდებათ თითოეული მატჩის შესახებ მოთამაშეებისა და მსაჯების მოქმედებების შესახებ დეტალური ვიდეომიმოხილვა.
 - 11.6 კლუბი ვალდებულია, მსაჯ-მდივნების მაგიდა აღჭურვოს შემდეგი ინვენტარით:
 - სტატისტიკის პროგრამის მუშაობისთვის ერთი კომპიუტერი და ერთი პრინტერი.
 - მსაჯთა მაგიდის და კომპანია გენიუს შპორტს-ის ტექნიკური ინვენტარი უნდა იყოს უზრუნველყოფილი მაღალი სიჩქარის ინტერნეტით.
- შენიშვნა:** თუ გუნდის/კლუბის საშინაო დარბაზში ახ იქნება დამონტაჟებული ზემოთხსენებული კომპანიების ტექნიკური აღჭურვილობა, მასპინძელი გუნდი ვალდებულია, უზრუნველყოს მატჩების ვიდეო გადაღება და დამონტაჟებული მასაღა მაქსიმუმ 2 დღეში მიაწოდოს მოწინააღმდეგე გუნდსა და კალათბურთის ეროვნული ფედერაციის საშეჯიბრო დეპარტამენტის ხელმძღვანელებს.

მუხლი 12. გასვლითი შეხვედრები

მასპინძელმა გუნდმა სტუმარ გუნდს უნდა გამოუყოს:

- 12.1 სტუმარი გუნდის წინასწარი განაცხადის საფუძველზე, ტრანსპორტი მატჩის ჩატარების ქალაქის სადგურში ან აეროპორტში დახვედრისა და გაცილებისთვის, აგრეთვე ვარჯიშზე, მატჩზე და უკანა მიმართულებით მისაყვანად.

ტრანსპორტის ხარჯებს იხდის სტუმარი გუნდი. წინასწარი განაცხადი უნდა გაკეთდეს ჩასვლის დღემდე არანაკლებ 7 დღით ადრე. იმ შემთხვევაში, თუკი წინასწარი განაცხადი არ გაკეთდა, ან გაკეთდა დაგვიანებით, სტუმარი გუნდი ტრანსპორტის საკითხს წყვეტს დამოუკიდებლად.

- 12.2 სასტუმროს ნომრები, სტუმარი გუნდის წინასწარი განაცხადის საფუძველზე. სასტუმროს ხარჯებს იხდის სტუმარი გუნდი. წინასწარი განაცხადი უნდა გაკეთდეს ჩასვლის დღემდე არანაკლებ 7 დღით ადრე. იმ შემთხვევაში, თუ წინასწარი განაცხადი არ გაკეთდა, ან გაკეთდა დაგვიანებით, სტუმარი კლუბი საცხოვრებელ საკითხს წყვეტს დამოუკიდებლად.
- 12.3 თუ წინასწარი განაცხადი გაკეთდა დროულად, მაგრამ მასპინძელმა კლუბმა დაარღვია 12,1. და 12,2. პუნქტები, მას ეკისრება ჯარიმა **400 (ოთხასი) ლარის** ოდენობით.
- 12.4 სპორტული დარბაზი ვარჯიშებისთვის (არანაკლებ ერთი საათი) თამაშის დაწყებამდე არაუგვიანეს 24 საათისა და თამაშის დღეს არაუგვიანეს 7 საათისა (არანაკლებ 45 წუთი) იმ დარბაზში სადაც იმართება თამაში.
- 12.5 6 (ექვსი) სათამაშო ბურთი ვარჯიშებისთვის.
- 12.6 სასმელი წყალი. ყოველი თამაშისთვის ერთ გუნდზე გაანგარიშებით 16 ცალი 0 5-ლიტრიანი ბოთლი.
- 12.7 ტურობრივი სისტემის დროს, ადგილები სათამაშო დარბაზში შეჯიბრების მონაწილეთათვის.
- 12.8 12.4-12.7 პუნქტების დარღვევისთვის ჯარიმა **500 (ხუთასი) ლარი** თითოეული პუნქტისთვის.

მუხლი 13. ტურნირის მონაწილეთა უსაფრთხოების უზრუნველყოფის მოთხოვნები

- 13.1 მასპინძელი კლუბი პასუხისმგებელია ტურნირის მატჩის მსვლელობისას მისი მონაწილეთა (ს.კ.ე.ფ-ის წარმომადგენლები, კომისარი, მსაჯები, მსაჯი-მდივნები, მწვრთნელები, გუნდის წარმომადგენლები) უსაფრთხოების უზრუნველყოფაზე, აგრეთვე საზოგადოებრივი წესრიგის დაცვაზე თამაშის ჩატარების ზონაში მის დაწყებამდე, მიმდინარეობისას და დამთავრების შემდეგ.
- 13.2 თამაშის უსაფრთხოების უზრუნველყოფის ღონისძიებათა გეგმაში უნდა შედიოდეს:
 - 13.2.1 ს.კ.ე.ფ-ის წარმომადგენლების, კომისარის, მსაჯების, მსაჯი-მდივნების, სტუმარი გუნდის წარმომადგენლების, მწვრთნელების, სამედიცინო პერსონალის, მოთამაშეების დაცვა, მათი აეროპორტში (სადგურში) ჩასვლის მომენტიდან; მათი თანხლება საცხოვრებელ და მატჩის ჩატარების ადგილებამდე.
 - 13.2.2 ზემოაღნიშნული პირების დაცვა მატჩის დამთავრების შემდეგ, მათი თანხლება საცხოვრებელ და გასამგზავრებელ ადგილებამდე.
 - 13.2.3 საზოგადოებრივი წესრიგის დაცვის ღონისძიებების გატარება თამაშის ჩატარების ზონაში მის დაწყებამდე, მიმდინარეობისას და დამთავრების შემდეგ.
 - 13.2.4 საზოგადოებრივი წესრიგის დაცვის ღონისძიებების გატარება ს.კ.ე.ფ-ს წარმომადგენლების, კომისარის, მსაჯების, სტუმარი გუნდების მწვრთნელების, მოთამაშეების და სამედიცინო პერსონალის საცხოვრებელ ადგილებზე.
 - 13.2.5 საზოგადოებრივი წესრიგის დაცვის ღონისძიებათა გატარება დარბაზში გუნდების განთავსების ადგილებში.
 - 13.2.6 თამაშის ჩატარების ზონაში აკრძალულია:
 - ალკოჰოლური სასმელების გაყიდვა და მიღება;
 - ნებისმიერი სახის სასმელის გაყიდვა და შეტანა მიწის ბოთლებში;
 - თამბაქოს მოწევა საგანგებოდ გამოყოფილი ადგილების გარდა;
 - სათამაშო მოედანზე ნებისმიერი საგნის სროლა;
 - მსაჯების, მოთამაშეების და მატჩის სხვა მონაწილეთა შეურაცხყოფა, მათ მიმართ მუქარა სიტყვიერი თუ სხვა ნებისმიერი ფორმით. ამ წესების დაცვაზე პასუხისმგებელია მასპინძელი კლუბი.
- 13.3 მატჩის უსაფრთხოების უზრუნველყოფის მოთხოვნათა არშესრულების შემთხვევაში, რასაც მოჰყვება ინციდენტი, ს.კ.ე.ფ-ს გამგეობამ, საგანგებო გადაწყვეტილებით, შესაძლოა გამოიტანოს როგორც საჯარიმო ფულადი სანქციები, აგრეთვე:
 - მომდევნო თამაშის ჩატარება მაყურებელთა გარეშე;
 - თამაშის ჩატარება ნეიტრალურ ან მეტოქის მოედანზე.

მუხლი 14. წარსადგენი დოკუმენტაცია

- ამონაწერი სამენარმეო რეესტრიდან (საჯარო რეესტრის ეროვნული სააგენტოდან)
- ცნობა სასამართლოდან, რომ არ მიმდინარეობს გადახდის უუნარობის საქმის წარმოება.
- ცნობა შემოსავლების სამსახურიდან ბიუჯეტის წინაშე დავალიანების არქონის შესახებ
- ცნობა მომსახურე ბანკიდან (ბანკებიდან). საბანკო ანგარიშზე (ანგარიშებზე) ყადაღის შესახებ
- ცნობა საჯარო რეესტრის ეროვნული სააგენტოდან, იურიდიული პირის ქონებაზე (მასზე რეგისტრირებული ქონების არსებობის შემთხვევაში) საჯარო სამართლებრივი შეზღუდვის არსებობის შესახებ
- ცნობა საჯარო რეესტრის ეროვნული სააგენტოდან რომ არ მიმდინარეობს იურიდიული პირის რეორგანიზაცია ან ლიკვიდაცია

შენიშვნა: საქართველოს საკადატრუხო ჩემპიონატის „სუპერლიგასა“ და „ა“-ლიგაში მონაწილე კლუბი წახმოადგენს აჩასამეწახემო (აჩაკომეჩიულ) იუნიტივ პიხს (ა(ა)იპ). (ეს ხეგუდაცია აჩ ეხება მუნიციპალუხ დაფინანსებაზე მყოფ გუნდებს)

- „სუპერლიგის“ და „ა“-ლიგის გუნდებისთვის გამოყოფილი ბიუჯეტიდან დაფინანსდებიან მხოლოდ ის გუნდები რომლებიც წარმოადგენენ არასამენარმეო (არაკომერციულ) იურიდიულ პირს (ა(ა)იპ). (ეს რეგულაცია არ ეხება მუნიციპალურ დაფინანსებაზე მყოფ გუნდებს)

-ინტერესთა კონფლიქტის თავიდან აცილების მიზნით, საქართველოს ჩემპიონატის „სუპერლიგის“ და/ან „ა“-ლიგის მონაწილე კლუბებს არ შეიძლება ყავდეთ ერთი და იგივე დამფუძნებელი/წევრი ფიზიკური ან იურიდიული პირი
- ამ მუხლით გათვალისწინებული დოკუმენტაცია საშუალებო დეპარტამენტს წარედგინოს 2023 წლის 4 იანვრამდე.

თავი VI - მოთხოვნები ტურნირის მონაწილეთა მიმართ

მუხლი 15. მოთამაშეები

- 15.1 ტურნირში მონაწილეობის უფლება აქვთ მხოლოდ გუნდის განაცხადში შეყვანილ მოთამაშეებს.
- 15.2 მოთამაშეთა მაისურებზე დასაშვებია ნომრები 00, 0-დან 99-მდე, ხოლო გვარი ქართული შრიფტით (უცხო ენაზე – „ს.კ.ე.ფ“-თან შეთანხმების შემთხვევაში).
- 15.3 სათამაშო ფორმა უნდა შეესაბამებოდეს „კალათბურთის ოფიციალური წესები“-ს მოთხოვნებს, მოთამაშე რომელიც არღვევს „კალათბურთის ოფიციალური წესები“-ს და 15,2 პუნქტში მოყვანილ რეგულაციებს არ დაიშვება თამაშზე და დაჯარიმდება **100 (ასი) ლარის** ოდენობით.

მუხლი 16. მწვრთნელები, გუნდის წარმომადგენლები

16.1 მატჩის დაწყებამდე არაუგვიანეს 30 წუთისა, მწვრთნელებმა უნდა წარუდგინონ მატჩის კომისარს გუნდის განაცხადი, მატჩზე განაცხადის წარდგენის ვადის დარღვევის შემთხვევაში მწვრთნელს ეკისრება ჯარიმა **50 (ორმოცდაათი) ლარის** ოდენობით.

16.2 მატჩის მსვლელობისას სათადარიგოთა სკამზე დაჯდომის უფლება აქვს თამაშის ოქმში შეყვანილ მოთამაშეებს (თორმეტი მოთამაშე), მწვრთნელთა შტაბის არაუმეტეს 3(სამი) წარმომადგენელს და მედპერსონალის არაუმეტეს 3(სამი) წარმომადგენელს.

მუხლი 17. მსაჯები, კომისრები და მსაჯ-მდივნები

17.1 ტურნირის მატჩები ტარდება “ფიბა“-ს მიერ დამტკიცებული „კალათბურთის ოფიციალური წესების“ და წინამდებარე დებულების შესაბამისად.

17.2 მატჩების სამსაჯოდ შეიძლება დაინიშნონ მხოლოდ ს.კ.ე.ფ-ის მსაჯთა განყოფილების მიერ, მოცემული სეზონისთვის მსაჯები და კომისრები.

17.3 თითოეულ თამაშს ემსახურება ორი (ან სამი) მსაჯი, კომისარი და მსაჯ-მდივანთა ბრიგადა.

17.4 მატჩების მიმდინარეობისას მსაჯ-მდივანთა ბრიგადა შედგება მაქსიმუმ 8 წევრისაგან:

- მდივანი;
- დროის ოპერატორი;
- 24 წამის ოპერატორი;
- ტაბლოს ოპერატორი;
- მსაჯი-ინფორმატორი;
- ორი ან სამი მდივან-სტატისტიკოსი

17.5 მატჩის დაწყებამდე არაუგვიანეს 30 წუთისა კომისარმა უნდა შეამოწმოს გუნდის სერთიფიკატი და განაცხადში შეყვანილ მოთამაშეთა, მწვრთნელთა და სამედიცინო პერსონალის ფოტოსურათების შესაბამისობა მათ ვინაობასთან. თუ კომისარი თამაშზე დაუშვებს მოთამაშეს, მწვრთნელს ან სამედიცინო პერსონალს, რომლებიც არ არიან შეყვანილი გუნდის განაცხადში, მაშინ მას მიეცემა დისკვალიფიკაცია ს.კ.ე.ფ-ის მსაჯთა განყოფილების და საშეჯიბრო დეპარტამენტის მიერ დადგენილი ვადით.

17.6 მატჩის შემდეგ კომისარი ავსებს ანგარიშს დადგენილი ფორმით, უთითებს მასში დამრღვევებს, დებულების დარღვეულ მუხლებს, მსაჯ-მდივანთა მუშაობის ნაკლოვანებებს. იმავე ანგარიშში კომისარი ახასიათებს მსაჯებს და უწერს მათ შეფასებას.

დებულების დარღვევის ფაქტების დაფარვის შემთხვევაში კომისარი ჩამოშორდება ტურნირის მატჩების მომსახურებას საშეჯიბრო დეპარტამენტის მიერ დადგენილი ვადით.

17.7 თამაშის მსვლელობის დროს დარბაზში ელექტროენერჯის მიწოდება რამდენჯერმე შეწყდება და გათიშვის სერთო დრო აღემატება 40 წუთს, თამაში შეწყდება, გადაიდება მეორე დღეს და დაიწყება გადადების მომენტისთვის არსებული ანგარიშიდან და დარჩენილი დროით.

- დარბაზში ხილვადობის არ ქონის შემთხვევაში მატჩის შეწყვეტის ან გაგრძელების გადაწყვეტილებას იღებენ უფროსი მსაჯი და კომისარი;

- შეხვედრის გადადებას, თავისი ხელმოწერით კომისრის ოქმში, ადასტურებს ორივე გუნდის მწვრთნელი;

- გასვლით მატჩებში გადადებული თამაშის შემთხვევაში გუნდის დაბინავებასთან და სხვა დამატებით ხარჯებთან დაკავშირებით პასუხისმგებელია მასპინძელი გუნდი.

თავი VII - ტურნირის ჩაბარების სისტემა

მუხლი 18. ტურნირის ჩატარების სისტემა და დრო

ტურნირში მონაწილეობს 6 გუნდი.

ტურნირი ტარდება 2023 წლის 5 იანვრიდან 2023 წლის 5 მაისამდე.

18.1 ტურნირი ტარდება ორ ეტაპად:

18.2 (პირველი ეტაპი) გუნდები მატჩებს ატარებენ ორ წრედ მიმოსვლით - შინ და სტუმრად, ორი წრის შედეგების მიხედვით 6 გუნდების კლასიფიცირდებიან 1, 2, 3, 4, 5, 6 ადგილებზე.

- 1, 2, 3, 4 ადგილზე გასული გუნდები გაითამაშებენ 1-4 ადგილებს, ხოლო მე-5 და მე-6 ადგილებზე გასული გუნდები ტურნირს დაასრულებენ ამ პოზიციებზე.

18.3 (მეორე ეტაპი):

ა-ლიგის 1-4 ადგილებზე გასული გუნდები ითამაშებენ პლეი ოფის სისტემით.

1/2 ფინალი

- დაწყვილებული გუნდები თამაშობენ პლეი ოფის სისტემით 2 (ორ) მოგებამდე.

გუნდები წყვილდებიან შემდეგნაირად:

I წყვილი: 1-4;

II წყვილი: 2-3;

პირველი მატჩი გაიმართება წყვილში პირველად მითითებული გუნდის მოედანზე, მეორე მატჩი – წყვილში მეორედ მითითებული გუნდის მოედანზე. მესამე მატჩი (თუ საჭირო გახდა) წყვილში პირველად მითითებული გუნდის მოედანზე.

- წყვილებში გამარჯვებულები გაითამაშებენ 1-2 ადგილებს, ხოლო დამარცხებულები დაასრულებენ ჩემპიონატს.

- დამარცხებული გუნდების კლასიფიკაცია მოხდება ნახევარფინალურ სერიაში ნაჩვენები შედეგების მიხედვით

ფინალი

წყვილებში გამარჯვებული გუნდები გაითამაშებენ 1-2 ადგილებს.

- დაწყვილებული გუნდები 1-2 ადგილისთვის თამაშობენ პლეი-ოფის სისტემით 3 (სამ) მოგებამდე,

პირველი ორი მატჩი გაიმართება წყვილში პირველად მითითებული გუნდის მოედანზე, მესამე და მეოთხე მატჩები – წყვილში მეორედ მითითებული გუნდის მოედანზე. მეხუთე მატჩი (თუ საჭირო გახდა) წყვილში პირველად მითითებული გუნდის მოედანზე.

18.4 გუნდი რომელიც დაიკავებს 1 ადგილს, მოიპოვებს მომავალი, სუპერლიგის 2023-24 წლების სეზონში ასპარეზობის უფლებას.

- ა-ლიგის ტურნირში მე-2 ადგილზე გასული გუნდი ითამაშებს სუპერლიგაში გადასასვლელ საპლეიოფო მატჩებს, სუპერლიგის 2022-2023 სეზონში მე-10 ადგილზე გასულ გუნდთან. საპლეიოფო სერია ჩატარდება **3 (სამ) მოგებაზე. სერიაში მოედნის უპირატესობა მიენიჭება სუპერლიგის 10-ადგილზე გასულ გუნდს. (თამაშები გაიმართება 2023 წლის აპრილ/მაისში)**

18.5 "ა" ლიგაში 3 და 4 ადგილებზე გასული გუნდები ლიგაში ადგილს შეინარჩუნებენ მომავლი, 2023-2024 წლების სეზონისთვის.

18.6.1 "ა" ლიგის – მე-5 ადგილზე გასული გუნდი ლიგაში დასარჩენ საკვალიფიკაციო სერიას გამართავს "ა" ლიგის შესარჩევი ტურნირის პირველ ადგილზე გასულ გუნდთან. "ა" ლიგაში გადასასვლელი სერია ჩატარდება საპლეიოფო სისტემით. სერიაში გამარჯვებული გუნდი 2 მატჩის ჯამში გამოვლინდება. კენჭისყრა გადაწყვეტს, თუ რომელი გუნდის მოედანზე გაიმართება სერიის პირველი და მეორე მატჩები. თუკი გუნდები სერიაში თითო მატჩს მოიგებენ, უპირატესობა ბურთების შეფარდებას მიენიჭება.

სერიაში დასაშვებია მატჩის ფრედ დასრულება.

თუკი ორი მატჩის ჯამში გუნდებს ექნებათ ბურთების თანაბარი შეფარდება, დაინიშნება დამატებითი პერიოდი (პერიოდები) და სერიაში გამარჯვებულად გამოცხადდება გუნდი, რომელსაც დამატებითი პერიოდის (პერიოდების) დასრულების შემდეგ ექნება ბურთების უკეთესი შეფარდება.

18.6.2 "ა" ლიგის მე-6 ადგილზე გასული გუნდი ტოვებს ა-ლიგის გათამაშებას.

18.6.3 "ა" ლიგის 2022/2023 სეზონის ბოლო, მე-6 ადგილზე გასული გუნდის ადგილს ლიგაში დაიკავებს სტუდენტური ლიგის გამარჯვებული გუნდი.

18.7 2022/2023 სეზონის ა-ლიგის საკვალიფიკაციო პირველ ეტაპს გუნდები ითამაშებენ ჯგუფური სისტემით.

1. ივერიონი 2. თელავის ბურჯი 3. საიბერი

- ჯგუფში თამაშები ტარდება 2 წრედ

- ჯგუფში საუკეთესო გუნდი ითამაშებს საკვალიფიკაციო ეტაპის მეორე რაუნდს ალიგის 2021-2022 სეზონის მე-5 ადგილოსანთან - **საკვალიფიკაციო ეტაპის პირველი რაუნდის თამაშები ჩატარდება ქ.თბილისში, საკვალიფიკაციო ეტაპის, მეორე რაუნდის შეხვედრები, საკვალიფიკაციოს გამარჯვებული და ა-ლიგის მე-5 ადგილოსანთან გასამართი პლეი ოფის შეხვედრა ჩატარდება (საშინაო და გასვლითი თამაშების პრინციპით).**

18.8 2023/2024 წლების სეზონის ა-ლიგის პირველი საკვალიფიკაციო ეტაპის გათამაშების სისტემა მას შემდეგ განისაზღვრება, რაც აღნიშნული ტურნირისთვის მოხდება რეგისტრაცია და დადგინდება მონაწილე გუნდების რაოდენობა.

18.9 "2023/2024 სეზონის ა-ლიგის პირველი საკვალიფიკაციოს გამარჯვებული ეთამაშება ა-ლიგის 2022/2023 სეზონის – მე-5 ადგილზე გასულ გუნდს საპლეიოფო სერიით. სერიაში გამარჯვებული გუნდი 2 მატჩის ჯამში გამოვლინდება.

თავი VIII - "ს.კ.ე.ფ"-ის და კლუბების (გუნდების) ხარჯები ტურნირის ჩატარებისას

მუხლი 19. "ს.კ.ე.ფ"-ის ხარჯები ჩემპიონატის ჩატარებისას

"ს.კ.ე.ფ" ანაზღაურებს:

19.1 ტურნირისთვის საჭირო თბილისის საკალათბურთო დარბაზების იჯარის ხარჯებს.

19.2 მსაჯების, კომისრის, მსაჯ-მდივანთა ბრიგადების მგზავრობის და მატჩის მომსახურების ხარჯებს.

19.3 სხვა საჭირო საორგანიზაციო ხარჯებს

მუხლი 20. კლუბის (გუნდის) ხარჯები ჩემპიონატის ჩატარებისას

კლუბი (გუნდი) ტურნირის ჩატარებისას იხდის:

20.1 გუნდის მივლინების ხარჯებს ტურნირის მატჩებზე.

20.2 სტუმარი გუნდი _ იმ ტრანსპორტის ხარჯებს, რომელიც სტუმარ გუნდს დახვდება სადგურში (აეროპორტში), მიიყვანს სასტუმროში, ვარჯიშზე, მატჩზე და უკან სასტუმროში, სადგურში (აეროპორტში).

20.3 მასპინძელი გუნდი _ იმ ტრანსპორტის ხარჯებს, რომელიც მსაჯებს, კომისარს დახვდება სადგურში (აეროპორტში), მიიყვანს სასტუმროში, სპორტულ დარბაზში და უკან სასტუმროში, სადგურში (აეროპორტში).

20.4 სტუმარი გუნდისთვის, მსაჯებისა და კომისრისთვის განკუთვნილი მინერალური წყლის ხარჯებს.

20.5 მასპინძელი გუნდი ვალდებულია აანაზღაუროს მსაჯების, კომისრის, საჭიროების შემთხვევაში მსაჯ-მდივანების 2 (ორი) დღე-ღამით სასტუმროში მიღების და 3-ჯერადი კვების ხარჯები.

თავი IX - დისციპლინარული ღირებულები და სასჯელები

მუხლი 21. დისციპლინარული დარღვევები და სასჯელები

დისციპლინარული სასჯელის ზომას დებულებით დადგენილ ფარგლებში განსაზღვრავს "სადისციპლინო ტექნიკური კომისია".

გუნდის წარმომადგენლებს: მოთამაშეებს, მწვრთნელებს, მწვრთნელთა თანაშემწეებს, სამედიცინო პერსონალს და გუნდის სხვა თანმხლებ პირებს ეკისრებათ პასუხისმგებლობა ქცევის წესების დაცვაზე მატჩამდე, მატჩის მსვლელობისას და მატჩის დამთავრების შემდეგ. წესების დარღვევისათვის დადგენილია შემდეგი სასჯელები:

21.1 **ტექნიკური ჯარიმის მიღების შემთხვევაში, მოთამაშეს, ასევე მწვრთნელს ეკისრება ფულადი სანქცია 50 (ორმოცდაათი) ლარის ოდენობით. სეზონის განმავლობაში მე-4 ტექნიკური ჯარიმიდან ფულადი საქცია განისაზღვრება ქვემოთ ჩამოთვლილი ოდენობით და დისკვალიფიკაციით:**

მე-4 ტექნიკურისთვის - 100 ლარს;	მე-8 ტექნიკურისთვის - 150 ლარს;	მე-12 ტექნიკურისთვის - 500 ლარს;
მე-5 ტექნიკურისთვის - 100 ლარს;	მე-9 ტექნიკურისთვის - 150 ლარს;	მე-13 ტექნიკურისთვის - 500 ლარს;
მე-6 ტექნიკურისთვის - 100 ლარს;	მე-10 ტექნიკურისთვის - 150 ლარს;	მე-14 ტექნიკურისთვის - 500 ლარს;
მე-7 ტექნიკურისთვის - 100 ლარს;	მე-11 ტექნიკურისთვის - 500 ლარს;	მე-15 ტექნიკურისთვის - 1500 ლარს;

მე-16 ტექნიკური ჯარიმის მიღების შემთხვევაში აღნიშნული პირი დისკვალიფიცირდება 4 (ოთხი) მატჩით და დაჯარიმდება - 1500 ლარით;

მე-17 ტექნიკური ჯარიმის მიღების შემთხვევაში დისკვალიფიკაციის, ფულადი საქციების და მისი ოდენობის ათვლა მოხდება ახლიდან, ზემოთ აღნიშნული რიგითობის მიხედვით.

შენიშვნა: ფინანსური სანქცია ახ ვხცედება იმ ტექნიკურ ჯარიმებზე, რომლებსაც მოთამაშეები მიიღებენ ეგზედ წოდებულ „ფეიკისთვის“ (Fake).

21.2 შეურაცხყოფა სიტყვით ან ჟესტით:

21.2.1 მსაჯების, კომისრის, მსაჯ-მდივნების, მეტოქის, მაყურებლის, თანაგუნდელის მიმართ, გუნდის თანმხლები პირების ერთმანეთის მიმართ – დისკვალიფიკაცია ორ (2) თამაშამდე და ჯარიმა **ექვსას (600) ლარამდე.**

21.2.2 სეზონის განმავლობაში განმეორებითი დარღვევისთვის – დისკვალიფიკაცია ორიდან (2) ოთხ (4) თამაშამდე და ჯარიმა **ექვსასიდან (600)-დან ათას (1000) ლარამდე.**

21.2.3 სეზონის განმავლობაში მესამე მსგავსი დარღვევისთვის – დისკვალიფიკაცია ხუთიდან (5) ათ (10) თამაშამდე და ჯარიმა **რვაასიდან (800)-დან ათასხუთას (1500) ლარამდე.**

21.3 ფიზიკური შეურაცხყოფა:

21.3.1 "შეურაცხყოფელი ფიზიკური კონტაქტი"

21.3.1.1 მსაჯების, კომისრის, მსაჯ-მდივნების მიმართ – დისკვალიფიკაცია ხუთ (5) მატჩამდე და ჯარიმა **ხუთასიდან (500) შვიდას (700) ლარამდე.**

21.3.1.2 მეტოქის, მაყურებლის, თანაგუნდელის მიმართ, გუნდის თანმხლები პირების ერთმანეთის მიმართ – დისკვალიფიკაცია ორ (2) თამაშამდე და ჯარიმა **სამასიდან (300) რვაას (800) ლარამდე.**

21.3.2 "უხეში ფიზიკური შეურაცხყოფა":

21.3.2.1 მსაჯების, კომისრის, მსაჯ-მდივნების მიმართ – დისკვალიფიკაცია ხუთიდან (5) ათ (10) მატჩამდე და ჯარიმა **ხუთასიდან (500) ათას (1000) ლარამდე.**

21.3.2.2 მეტოქის, მაყურებლის, თანაგუნდელის მიმართ, გუნდის თანმხლები პირების ერთმანეთის მიმართ – დისკვალიფიკაცია სამიდან (3) ხუთ (5) თამაშამდე და ჯარიმა **ხუთასიდან (500) ათას (1000) ლარამდე.**

21.4 მსაჯის მიერ თამაშიდან გაძევებული მოთამაშე, მწვრთნელი, მწვრთნელის თანაშემწე ან გუნდის თანმხლები პირი ავტომატურად ექვემდებარება დისკვალიფიკაციას მომდევნო ერთი თამაშით, თუ დანაშაულის სიმძიმე არ ითვალისწინებს უფრო მკაცრ სასჯელს.

21.5 დისციპლინის დარღვევასთან დაკავშირებულ სადისციპლინო-ტექნიკური კომისიის სხდომაზე მიწვეულ პირს არასაპატიო მიზეზით გამოუცხადებლობის შემთხვევაში დაეკისრება ჯარიმა **ასი (100) ლარის** ოდენობით.

21.6 იმ შემთხვევაში, თუ დასჯილი მწვრთნელი, ან მოთამაშე მონაწილეობენ ასევე ასაკობრივ ჩემპიონატებში, მათ დამატებით აღნიშნულ ტურნირებში დაეკისრებათ დისკვალიფიკაცია **ორ (2) თამაშამდე.** თუ დისკვალიფიკაციის ვადა აღემატება სეზონის ბოლომდე გათვალისწინებული კალენდარული თამაშების რაოდენობას, დარჩენილი სასჯელი გადადის მომდევნო სეზონში.

21.7 გუნდის ოფიციალური პირების (ხელმძღვანელობა, მენეჯერი) არასპორტული ქცევა:

21.7.1 მუქარა, დაშინება ან არასპორტული ქცევა მეტოქის, მაყურებლის, მსაჯების, კომისრის ან მსაჯ-მდივანთა მიმართ – ჯარიმა **2000 (ორი ათასი) ლარი.**

21.7.2 სეზონის განმავლობაში იგივე დარღვევის განმეორებისათვის – ჯარიმა 3000 (სამი ათასი) ლარი

21.8 იმ შემთხვევაში, თუკი გუნდი არ გამოცხადდება ან უარს იტყვის თამაშზე ან თამაშის გაგრძელებაზე:

-პირველი დარღვევისთვის – გუნდს ჩაეთვლება წაგება „უფლების ჩამორთმევით“ და ჯარიმდება

3500 (სამი ათას ხუთასი) ლარით.

-იგივე დარღვევის განმეორებისას გუნდს ეძლევა დისკვალიფიკაცია სეზონის ბოლომდე და ჯარიმდება

7000 (შვიდი ათასი) ლარით

21.9 დისციპლინური დარღვევის შემთხვევები და მათ გამო გასატარებელი სასჯელები, რომლებიც არ არის

მოყვანილი 20-ე მუხლში, განიხილება ს.კ.ე.ფ-ს გამგეობის მიერ.

21.10 განსაკუთრებულ შემთხვევაში ს.კ.ე.ფ-ს სადისციპლინო-ტექნიკური კომისია უფლებამოსილია, თავის შეხედულებისამებრ, გაზარდოს სასჯელი დარღვევის სიმძიმის გათვალისწინებით.

21.11 გუნდის წევრებისათვის დაკისრებული, დებულებით გათვალისწინებული, ყველა სახის ჯარიმების გადახდა უნდა მოხდეს მომდევნო თამაშამდე, წინააღმდეგ შემთხვევაში თამაშის კომისიარს ეკრძალება მათი დაშვება მომდევნო თამაშზე.

21.12 ზემოხსენებული ჯარიმების არადროულად გადახდაზე მთელი პასუხისმგებლობა ეკისრება გუნდის (კლუბის) ხელმძღვანელობას.

თავი X - პირობები

მუხლი 22. პროტესტის შეტანის წესი

22.1 პროტესტი ს.კ.ე.ფ-ში შედის წერილობითი ფორმით და „კალათბურთის ოფიციალურ წესებში“ ჩამოყალიბებული პროცედურების დაცვით.

22.2 პროტესტის შემტანი გუნდი იხდის წინასწარ თანხას **500 (ხუთასი) ლარის** ოდენობით. პროტესტის დაკმაყოფილების შემთხვევაში წინასწარ გადახდილი თანხა უბრუნდება გუნდს.

22.3 გუნდის პროტესტის განხილვის პირველი ინსტანციას წარმოადგენს ს.კ.ე.ფ-ს სააპელაციო კომისია.

22.4 თუ გუნდი არ ეთანხმება პირველი ინსტანციის გადაწყვეტილებას, პროტესტს განიხილავს ს.კ.ე.ფ-ს გამგეობა. ამ შემთხვევაში წინასწარ გადასახდელი თანხის ოდენობა იზრდება **700 (შვიდასი) ლარამდე.**

პროტესტის დაკმაყოფილების შემთხვევაში წინასწარ გადახდილი თანხა უბრუნდება გუნდს.

